

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADSKO VIJEĆE

Broj: 01-interno/21
Bihać, 06.05.2021.godine

Na osnovu člana 140. Poslovnika Gradskog vijeća Bihać („Službeni glasnik Grada Bihaća“, broj 3/16 i 4/20), predsjedavajući Gradskog vijeća, u svojstvu predlagača Informacije o podnijetim inicijativama vijećnika Mekić Adnana, vijećnika Lipovača Adnana, vijećnika Bećirspahić Dinka i vijećnika Bajramović Halila za održavanje tematskih sjednica za rješavanje određenih pitanja, ispred Statutarne komisije:

O D R E Đ U J E

Izvjestioca Zulfikara Handukić, predsjednika Statutarne komisije na 11. redovnoj sjednici Gradskog vijeća i radnim tijelima po prijedlog tačke dnevnog reda:

- Informacija o podnijetim inicijativama za održavanje tematskih sjednica

Predsjedavajući Gradskog vijeća
Zulfikar Handukić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADSKO VIJEĆE
Statutarna komisija

Broj: 01-interno/21

Bihać, 06.05.2021.godine

PREDMET: Informacija o podnijetim inicijativama, dostavlja se.-

Na osnovu člana 138. Poslovnika Gradskog vijeća Bihać („Službeni glasnik Grada Bihaća“, broj 3/16), Statutarna komisija dostavlja Gradskom vijeću Bihać Informaciju o neprihvatanju inicijativa vijećnika Mekić Adnana, vijećnika Lipovača Adnana, vijećnika Bećirspahić Dinka i vijećnika Bajramović Halila za održavanje tematskih sjednica na kojim bi se raspravljala pitanja koja su iznijeli, na razmatranje radi donošenja, uz sljedeće:

O b r a z l o ž e n j e

Pravni osnov

Pravni osnov za podnošenje predložene Informacije o neprihvatanju inicijativa vijećnika Mekić Adnana za održavanje tematske sjednice na temu „Devastacija Nacionalnog parka „Una“ divljom i nelegalnom gradnjom, zbog čega ovo prirodno zaštićeno područje iz dana u dan gubi identitet bioraznolikog područja“, Inicijative vijećnika Lipovača Adnana za održavanje tematske sjednice na temu „Odluka o komunalnim taksama, uslovima i načinu ispunjenosti prostorno tehničkih uslova za rad casina, kladionica i automat klubova na području Bihaća“, Inicijative vijećnika Bećirspahić Dinka za održavanje tematske sjednice na temu „Aktualna situacija u Bihaću izazvana Coronavirusom COVID-19“, Inicijative vijećnika Bajramović Halila za održavanje tematskih sjednica na teme „Problematika i novonastala situacija u vezi sagledavanja stanja i uzroka zbog kojih nije u funkciji novoizgrađeni prečistač otpadnih voda iz KFW projekta“, „Problematika i novonastala situacija u vezi izgradnje sportske dvorane u Bihaću“, „Problematika i novonastala situacija u vezi izgradnje Aerodroma Golubić u Bihaću“ sadržan je u odredbama člana 138. Poslovnika Gradskog vijeća Bihać („Službeni glasnik Grada Bihaća“, broj 3/16 i 4/20), kojim je utvrđeno da se inicijativa upućuje predsjedavajućem Vijeća, koji je dostavlja Gradonačelniku na razmatranje, a Gradonačelnik, nakon što razmotri inicijativu, o svom stavu obaviještava predsjedavajućeg Vijeća i članu 132. alineja a) Poslovnika kojim je utvrđeno da Vijeće Zaključkom u okviru

svog djelokruga, između ostalog, zauzima stavove i izražava mišljenje o pitanjima o kojima je raspravljalo.

Razlozi podnošenja Informacije

Dana 23.02.2021.godine vijećnik političkog subjekta „PoMAK“-a, Adnan Mekić podnio je predsjedavajućem Gradskog vijeća inicijativu za održavanje tematske sjednice na temu „Devastacija Nacionalnog parka „Una“ divljom i nelegalnom gradnjom, zbog čega ovo prirodno zaštićeno područje iz dana u dan gubi identitet bioraznolikog područja.“

Vijećnik Adnan Lipovača je dana 04.02.2021.godine podnio inicijativu za održavanje tematske sjednice na temu: „Odluka o komunalnim taksama, uslovima i načinu ispunjenosti prostorno tehničkih uslova za rad casina, kladionica i automat klubova na području Bihaća“.

Na 5. sjednici Gradskog vijeća, koja je održana dana 19.03.2021.godine, vijećnik Bećirspahić Dinko podnio je Inicijativu za održavanje tematske sjednice na temu: „Aktuelna situacija u Bihaću izazvana Coronavirusom COVID-19“.

Vijećnik Halil Bajramović je na 8. sjednici Gradskog vijeća podnio sljedeće inicijative za održavanje tematskih sjednica, i to „Problematika i novonastala situacija u vezi sagledavanja stanja i uzroka zbog kojih nije u funkciji novoizgrađeni prečistač otpadnih voda iz KFW projekta“, „Problematika i novonastala situacija u vezi izgradnje sportske dvorane u Bihaću“ i „Problematika i novonastala situacija u vezi izgradnje Aerodroma Golubić u Bihaću“.

Podnijete Inicijative dostavljene su Gradonačelniku grada Bihaća na razmatranje i zauzimanja stava, a u skladu s članom 138. stav (1) Poslovnika Gradskog vijeća Bihać („Službeni glasnik Grada Bihaća“, broj 3/16 i 4/20).

Dana 13.04.2021.godine održana je sjednica Kolegija Gradskog vijeća na kojoj je predsjedavajući Gradskog vijeća iznio stav Gradonačelnika po podnijetim inicijativama.

Gradonačelnik grada Bihaća je u smislu člana 138. stav (2) Poslovnika Gradskog vijeća Bihać, obavijestio predsjedavajućeg Gradskog vijeća o stavu po podnijetim inicijativama, te u istom navodi sljedeće:

- Inicijativa vijećnika „PoMAK“-a Adnana Mekića za održavanje tematske sjednice na temu „Devastacija Nacionalnog parka „Una“ divljom i nelegalnom gradnjom, zbog čega ovo prirodno zaštićeno područje iz dana u dan gubi identitet bioraznolikog područja“, ne prihvata se.

-Inicijativa vijećnika Adnana Lipovače za održavanje tematske sjednice na temu: „Odluka o komunalnim taksama“ ne prihvata se.

- Inicijativa vijećnika Dinka Bećirspahića za održavanje tematske sjednice povodom aktuelne situacije u Bihaću u vezi pandemije COVID-19 se ne prihvata.

-Inicijative vijećnika Halila Bajramovića za održavanje tematskih sjednica na teme:

- a) Problematika i novonastala situacija u vezi sagledavanja stanja i uzroka zbog kojih nije u funkciji novoizgrađeni prečistač otpadnih voda iz KFW projekta,
- b) Problematika i novonastala situacija u vezi izgradnje sportske dvorane u Bihaću,
- c) Problematika i novonastala situacija u vezi izgradnje Aerodroma Golubić u Bihaću, ne prihvataju se.

Komisija prosljeđuje predloženu Informaciju Gradskom vijeću, na razmatranje i zauzimanje konačnog stava.

Finansijska sredstva

Za realizaciju ove Informacije nisu potrebna dodatna finansijska sredstva.

Predsjednik Komisije
Zulfikar Handukić

INFORMACIJA

Dana 23.02.2021.godine vijećnik političkog subjekta „PoMAK“-a, Adnan Mekić podnio je predsjedavajućem Gradskog vijeća inicijativu za održavanje tematske sjednice na temu „Devastacija Nacionalnog parka „Una“ divljom i nelegalnom gradnjom, zbog čega ovo prirodno zaštićeno područje iz dana u dan gubi identitet bioraznolikog područja.“

Vijećnik Adnan Lipovača je dana 04.02.2021.godine podnio inicijativu za održavanje tematske sjednice na temu: „Odluka o komunalnim taksama, uslovima i načinu ispunjenosti prostorno tehničkih uslova za rad casina, kladionica i automat klubova na području Bihaća“.

Na 5. sjednici Gradskog vijeća, koja je održana dana 19.03.2021.godine, vijećnik Bećirspahić Dinko podnio je Inicijativu za održavanje tematske sjednice na temu: „Aktuelna situacija u Bihaću izazvana Coronavirusom COVID-19“.

Vijećnik Halil Bajramović je na 8. sjednici Gradskog vijeća podnio sljedeće inicijative za održavanje tematskih sjednica, i to „Problematika i novonastala situacija u vezi sagledavanja stanja i uzroka zbog kojih nije u funkciji novoizgrađeni prečistač otpadnih voda iz KFW projekta“, „Problematika i novonastala situacija u vezi izgradnje sportske dvorane u Bihaću“ i „Problematika i novonastala situacija u vezi izgradnje Aerodroma Golubić u Bihaću“.

Podnijete Inicijative dostavljene su Gradonačelniku grada Bihaća na razmatranje i zauzimanja stava, a u skladu s članom 138. stav (1) Poslovnika Gradskog vijeća Bihać („Službeni glasnik Grada Bihaća“, broj 3/16 i 4/20).

Dana 13.04.2021.godine održana je sjednica Kolegija Gradskog vijeća na kojoj je predsjedavajući Gradskog vijeća iznio stav Gradonačelnika po podnijetim inicijativama.

Gradonačelnik grada Bihaća je u smislu člana 138. stav (2) Poslovnika Gradskog vijeća Bihać, obavijestio predsjedavajućeg Gradskog vijeća o stavu po podnijetim inicijativama, te u istom navodi sljedeće:

- Inicijativa vijećnika „PoMAK“-a Adnana Mekića za održavanje tematske sjednice na temu „Devastacija Nacionalnog parka „Una“ divljom i nelegalnom gradnjom, zbog čega ovo prirodno zaštićeno područje iz dana u dan gubi identitet bioraznolikog područja“, ne prihvata se iz razloga što se navedeni problem može riješiti na način da se organizira radni sastanak na kojem će prisustvo uzeti predstavnici JP Nacionalnog parka „Una“, Služba za inspeksijske poslove Grada Bihaća i Služba za urbanističko planiranje, građenje, imovinsko-pravne i geodetske poslove kako bi se iznijeli problemi bespravne gradnje i zauzeli stavovi s ciljem suzbijanja navedene pojave.

Kolegij Gradskog vijeća prihvatio je stav Gradonačelnika uz obavezu Gradonačelnika da po predloženoj tački dostavi Informaciju Gradskom vijeću o poduzetim aktivnostima, odnosno broju i vrstama inspeksijskih nadzora kada je u pitanju bespravna gradnja na području Nacionalnog parka „Una“.

-Inicijativa vijećnika Adnana Lipovače za održavanje tematske sjednice na temu: „Odluka o komunalnim taksama“ ne prihvata se iz razloga što je na 8. Sjednici Gradskog vijeća usvojena dopuna Odluke o komunalnim taksama, odnosno donijet je zaključak kojim je traženo od Gradonačelnika da Gradskom vijeću dostavi informaciju o mogućnostima smanjenja takse na istaknutu firmu u iznosu od 50% od već utvrđene visine takse, odnosno mogućnostima njenog potpunog ukidanja, te na koji način bi se smanjenje odnosno ukidanje reflektiralo na budžet Grada Bihaća.

- Inicijativa vijećnika Dinka Bećirspahića za održavanje tematske sjednice povodom aktuelne situacije u Bihaću u vezi pandemije COVID-19 se ne prihvata, iz razloga što je situacija u vezi pandemije COVID-19 u nadležnosti viših nivoa vlasti, te iz tog razloga smatramo da institucije i krizni štabovi koji su nadležni za donošenje odluka nisu vezani stavovima nižih organa vlasti u poduzimanju određenih radnji. Grad Bihać je u prethodnom periodu ZU „Dom zdravlja“ Bihać ustupio i opremio adekvatnom opremom prostorije u kojem će se provoditi imunizacija građana grada Bihaća, odnosno da je novčanu podršku od 50.000,00 KM radi nabavke materijalno-tehničkih sredstava koja su neophodna za provođenje imunizacije građana Bihaća.

-Inicijative vijećnika Halila Bajramovića za održavanje tematskih sjednica na teme:

a) Problematika i novonastala situacija u vezi sagledavanja stanja i uzroka zbog kojih nije u funkciji novoizgrađeni prečistač otpadnih voda iz KFW projekta,

b) Problematika i novonastala situacija u vezi izgradnje sportske dvorane u Bihaću,

c) Problematika i novonastala situacija u vezi izgradnje Aerodroma Golubić u Bihaću, ne prihvataju se, iz razloga što na osnovu informacija Gradonačelnika, Kolegij Gradskog vijeća smatra da ne postoji nikakva sumnja kojom se dovode u pitanje navedeni projekti, obzirom da tok realizacije navedenih projekata je zadovoljavajući, naravno uz otklanjanje tekućih problema i prepreka u svakoj proceduri realizacije projekta, pa tako i u naprijed navedenim, te iz tog razloga Gradonačelnik grada Bihaća, a i Kolegij Gradskog vijeća smatra da na navedene teme nema potrebe za održavanje tematskih sjednica.

Kada je u pitanju projekat izgradnje Aerodroma Golubić u Bihaću, Kolegij Gradskog vijeća traži od Gradonačelnika da za neku od narednih redovnih sjednica Vijeća pripremi informaciju o stanju cjelokupnog projekta kao posebnu tačku sjednice, te na taj način informiše Gradsko vijeće i javnost o stanju projekta i aktivnostima koje se poduzimaju na njegovoj realizaciji.

Predsjedavajući Gradskog vijeća
Zulfikar Handukić